

Mokanda ηwa Polo ηwaa ntubo oka Batesaloniki Maphoo ma etatele

Polo akomaka mokanda mumu phenephe na ileka mbula mako matano o sima ya ikundwa sa Yesu. Mokanda me mokokyi iba mokanda ηwa ntubo ηwaakoma Polo. Mokokyi iba na mokanda ηwa ntubo onte ya nkanda iso ya Sangola Eenyakune.

Tesaloniki yabaka mokyisi mozale mokonzi ηwa manyete ma Makedoniya. Polo akomaka omoo o imbanga se sa ibale. Bato baikye baanolaka mateya me, emba tamba nde kooko omoo phoo Bayuda ba omoo baambyaka mobulu. Yango mena amba mana o Tesaloniki, amba ya kyende o Bere (Bitoma 17.1-10).

Sima ya nkoolo, wakoma yo Koliti, nwebi ne Timote amba moimola bo walekanaka maphoo o Tesaloniki. Emba Polo amba ya balongolo. Amba na balenza obokye bakyende nde o boo. Amba na babuyisela eyano o motuna ηwaabaka bee bamitune phoo ya lowoo la ikundwa sa bawe na phoo ya iya sa Nkolo na nkyemo iso.

O moo ηwa loloo, baanosi baayoko bamitune phoo ya ndengye eya mosuka maphoo ma mokyisi. Mokanda mumu mokokyi iloingola mayele phoo moloimole nyango wa lowoo: Esengyesi obokye toteya obokye toli bato ba mokyisi ηwa Nwaphongo, tombe na baa na ianola obokye

nono itekye tomoba na Nkolo elele yonoyo pho ya bobele (4.17).

Maphoo mali o mokanda mumu:

- 1 Batesaloniki 1.1: Ibeya
- 1 Batesaloniki 1.2-10: Melesi pho ya mofesi na ianola sa bato ba Tesaloniki
- 1 Batesaloniki 2.1-3.13: Etoma ya Polo o Tesaloniki
- 1 Batesaloniki 4.1-12: Mofesi moanole Nwaphongo
- 1 Batesaloniki 4.13-5.11: Iya sa Nkolo Yesu
- 1 Batesaloniki 5.12-28: Mateya na ndongolo

Ibeya

¹ Inga Polo, Silive na Timote tokomele ingomba sa Tesaloniki sili onte ya Tata Nwaphongo na Nkolo wa banga Yesu Klisto. Le obokye ngolu na bose ibe na bεε.

Ianola sa bato ba Tesaloniki

² Nkolo iso tophe Nwaphongo melesi pho ya bεε wa eyumunya banga o mafondesi ma banga. Imbelele siso,

³ toeyumunya pho ya ianola sa bεε sili na bitoma, na lozingo la bεε lookusi, na ná imilenza sa bεε o molemo, ikiyute na Nkolo wa banga Yesu Klisto, o boo pha Nwaphongo Ango wa banga.

⁴ Bεbi na banga ba lozingo, eba na bolaa obokye Nwaphongo aeyolo.

⁵ Pho waaya banga eyimola Simo Elaa, teyabaka nde na maloba pha, kasi na ná bokusi pha Bolobo. Na iso yaabaka banga towo ili ya phele. Wabaka banga na bεε, koebe mofesi nwa banga. Tokyelaka babona pho ya bolaa pha bεε.

⁶ Emba b̀̀e, wamba lomekola banga na Nkolo, waa yamba b̀̀e Iloba onte ya minyoko na nkyisa ya Bolobo.

⁷ Yango mena, baanosi baso ba Makedoniya na ba Akaye, babuto iyemekola.

⁸ Emba uta na b̀̀e, Iloba sa Nkolo sioka, teli nde o Makedoniya na Akaye, kasi simo ya ianola sa b̀̀e oka Nwaphongo, enyango mboka eso obokye tolosengyesi na ikula woo.

⁹ Pho moto na moto kaimole, wa woo yo pho ya b̀̀e, ndengye eya loyamba b̀̀e na ndengye eya le b̀̀e bikeko pho ya iyekpana oka Nwaphongo pho ya imokyelela, yo ooli na bomoo na owa solongo.

¹⁰ Emba koziya Nwana we owa mouta o ikolo, eli Yesu owakundola Nwaphongo onte ya bawe. Iyo aalomanya o yoo ya Nwaphongo ekye ye.

2

Etoma eya kyelaka Polo o Tesaloniki

¹ Bebi, b̀̀e mampeza koloebe na bolaa obokye, waloyamba b̀̀e, teli pho ya pha.

² Kasi b̀̀e koebe obokye nabo touti inyokomo na itolama o Filipe, Nwaphongo olophেকে bokusi pha ikanga motema pho ya iya eyimola Simo Elaa onte ya minyoko.

³ Pho mateya ma banga temali maimamela, teloli na mamunya mabe, telookatele moto.

⁴ Kasi Nwaphongo alomeka pho ya ilophe Simo Elaa. Yango mena toteya nde bomoo, telolukye isepelisa bato, kasi nde Nwaphongo okomekye mandondo ma banga.

⁵ Yango mena waateya banga, toloowo maphoo ma molete, b̄ee koebe, toli na maumunyama ma obokye olophe ekpele, nzoka ya banga Nwaphongo.

⁶ Tolombaa na luka ngambo oka bato, naa oka b̄ee, na oka bato basuu.

⁷ Emba tokokakyi iba bato banene onte ya b̄ee phele, pho toli batoma ba Klisto. Kasi tobaka onte ya b̄ee nde na bonyile, ndokolo nyango wa bana kabanza bana b̄ee mampenza.

⁸ Toezingaka na boikye, yango mena toloey-imolaka nde Simo Elaa ya Nwaphongo yango na yango, kasi toambyaka na bomoo pha banga mampenza, pho oli na motuya mwikye pho ya banga.

⁹ B̄ebi, b̄ee umunya minyoko na nkuka ya banga, tokyela etoma oka b̄ee na moo na mokolo, pho banga saba ephesi ya monomo na b̄ee waaba banga toeyimole Simo Elaa ya Nwaphongo.

¹⁰ B̄ee oli manzoka ma banga, ebe na Nwaphongo, pho mofesi nwa banga o boo pha b̄ee baanosi, teloika kyela masumu, tobaka na bosembo, na moto monomo takokyi ilooya na lowoo lonoo.

¹¹ Emba b̄ee koebe na obokye tokyela na monomo na monomo onte ya b̄ee ndokolo ango na bana be.

¹² Toekuyaka, toelenzaka, toongaka na b̄ee na bokusi obokye mofesi nwa b̄ee mosepelisa Nwaphongo okoebangye obokye onyolo o bokonzi phe na o nkyemo ye.

Polo akuli samba ianola sa Batesaloniki

13 Kyeka ntina ekye phe banga Nwaphongo melesi imbelele siso, waoka b̄e Iloba sa Nwaphongo saeyimola banga, wasaanola, teli ndokolo iloba sa bato kasi nde boli sango phele obokye Iloba sa Nwaphongo. Iloba me sikyele onte ya b̄e, b̄e baanosi.

14 Emba b̄e obuto imekola mangomba ma Nwaphongo maali o Yuda, maanola Yesu Klisto. Pho b̄ebi na b̄e mampenza baenyokolo bo wanyokolo Bayuda banaa nyango na b̄e.

15 B̄e baboma Nkolo Yesu na baimosi, balonyokolo me. Tebaikaka sepelisa Nwaphongo, emba bali banga ba bato baso.

16 Balokatele iteya Iloba sa Nwaphongo oka bato batabali Bayuda pho babikye. Na bomo, masumu ma b̄e makule butwa nde maikye. Nono waa kaa yoo ya Nwaphongo mi b̄e.

Polo ali na phowa ya ikula butwa o Tesaloniki

17 Bande, pho ya banga, na bokabwa banga na b̄e pho ya nwana imbelele, itakye na miyo kasi o ndondo toli elele yonyo. Toli na phowa ekusi ya ekula ya ewene yango mena tokyele na ndenge iso obokye toyee.

18 Tobaka na phowa ekusi ya iyaa oka b̄e. Nga mampenza Polo, mbala na mbala nalukaka na iya oka b̄e, kasi molemba abaka kalokutole nde bokutosi.

19 B̄e oli molemo mwa banga na nkyisa ya banga na eboko ya banga ya nkyemo oboo pha nkolo Yesu imbelele sa moya yo. Teli bomo?

20 Nde phele, b̄e oli nkyemo ya banga na nkyisa ya banga.

3

¹ Yango mena, bo tewaakulaka banga koka iziya tomba wene obokye toikale banga mampenza o Atene.

² Emba toetomele Timote nwebi na banga, kakyele na banga etoma ya Nwaphongo ya iyimola Simo Elaa ya Klisto. Pho ayaekuya na ielenza o ianola sa b̄e.

³ Pho ya obokye moto salota o boo pha minyoko. Pho b̄e mampenza koebe obokye tobangama pho ya mango.

⁴ Waabaka banga oka b̄e, toeyimolaka obokye tosengyesi iwene minyoko bookyelami wango, b̄e koloebe.

⁵ Yango mena, na nga sikokakyi kula ziya, natomi Timote aya nzwela masimo ma ianola sa b̄e, pho naile obokye molemba aumbo eemeka, emba etoma ya banga onte ya b̄e ekye pha.

⁶ Uṅwanṅwa eye Timote auti oka b̄e, ambi na loyelela na Simo Elaa ya ianola sa b̄e na lozingo la b̄e. Awo yokye b̄e otaba iloumunya nkolo iso na bolaa, oli na ná phowa ekusi ya ikula lowene nde booli banga na phowa ya ikula ewene.

⁷ Yango mena, bebi, onte ya minyoko ma banga miso na bimekyi ba banga biso, tozwe bokusi pho ya ianola sa b̄e.

⁸ Emba ṅwanṅwa eye mandondo ma banga mauti pho b̄e ophisi nzela ya Nkolo na bokusi.

⁹ Melesi iye mikokyi banga iphe Nwaphongo pho ya b̄e, pho ya nkyisa ikyi okye banga pho ya b̄e o boo pha Nwaphongo wa banga?

¹⁰ Na moo na mokolo tobondole na etungu pho tozwe konzo ya ikula ewene obokye tokokya

ikyizangye o ianola sa b̄ɛɛ.

¹¹ Le obokye Nwaphongo yo mampenza, Ango wa banga na Nkolo wa banga Yesu baingole nzela o boo pha banga pho ya obokye toyee oka b̄ɛɛ.

¹² Le obokye Nkolo akosa, ambe na tonza na boikye lozingo looli onte ya b̄ɛɛ na lozingo looli na b̄ɛɛ pho ya bato baso, ndengye ya lozingo loezingye na banga.

¹³ Na bomo, le obokye Nkolo alenza mandondo ma b̄ɛɛ. Emba mokolo nwaamoya yo na bansatu b̄ɛɛ banso, yo sa yaezwa na maphoo mabe onte ya b̄ɛɛ na obokye obe samooya o boo pha Ango wa banga Nwaphongo.

4

Mobesi mozingye Nwaphongo

¹ B̄ɛbi, pho ya isokya, toeteyaka lolengye la mobesi mokokyi iba na b̄ɛɛ pho ya isepelisa Nwaphongo. Nde phele komikambe nde bomoo. Kasi unwanwa eye, toongye na b̄ɛɛ emba tombe na ebondo na nkombo ya Nkolo Yesu obokye: Kula lendendala.

² B̄ɛɛ koebe mateya maeteyaka banga bo wa wo Nkolo Yesu.

³ Kyeka phowa ya Nwaphongo: Eli obokye b̄ɛɛ obe bato bansatu ombe na ba sakyela bondumba.

⁴ Moto na moto onte ya b̄ɛɛ aebe ikpa nwanwasi na ndengye ya bonsatu na ya ngambo.

⁵ Samile obokye phowa ebe eekonza ya bato baayoko baate baebe Nwaphongo.

⁶ Moto sakosa nwebi ne, yo samba na mokyela bofe mi lowo lalona. Pho Nkolo kaambebele mi maphoo maso mamana, nde bo waunva ewole banga na bo waekyebisa banga.

⁷ Pho Nwaphongo taika lobanga obokye toikale ikyela maphoo maa sokoto, kasi maphoo ma bosantu.

⁸ Yango mena, moto okole mateya mama, taale moto, kasi kale Nwaphongo okoephe Bolobo phe.

⁹ Pho ya lowo lokyeki izinga bebi, telosengyesi iyekomela mokanda. Pho bee, Nwaphongo yo mampenza aeteya ndengye ekoki bee izingana onte ya bee.

¹⁰ Emba eli nde lona lozingo lalona loweninya bee oka bebi baso ba Makedoniya mobimba. Kasi bande, banga tolenza obokye okule kyela na bolaa koleka.

¹¹ Ba na phowa ekusi ya iba bose, ya ikyeka nde maphoo ma bee mampenza na ya ikyela etoma nde na mafoko ma bee mampenza, nde bo wawoko banga phanza.

¹² Pho mobesi nwa bee mohe nwa kaa o miyo ma bato bate bali baklisto, emba otofe ephesi ya moto.

Mokolo nwa moya Yesu

¹³ Bebi, tozingye obokye toeyimole phele eso pho ya lowo lokyeki bawe, pho ya obokye obe saba na ngongo ya bato basuu baate bali na molemo.

¹⁴ Emba bo banga toanole obokye Yesu awa amba kundwa, nde bomo me, baawa onte ya

Yesu, Nwaphongo aabayamba elele yonoyo na Yesu.

¹⁵ Emba kyeka unwanwa eye loewole banga, eli iloba sa Nkolo: Banga baali na bomoo, baamoikala nono o iya sa Nkolo, etelokyende na nwana bokyiky o boo pha baawa.

¹⁶ Waamookana iya samoambya yo, na nyesi nwa mokonzi nwa baanzelu na ilela sa mumbenzo nwa Nwaphongo, Nkolo yo mampenza amouta o ikolo: Emba baawa onte ya ianola Klisto bamokundwa phanza.

¹⁷ Sima banga baamoba na bomoo imbele me, banga na bee tomunetwa o mampata, pho yaikyeye vana na Nkolo o ikolo. Emba banga baso tomoa na Nkolo pho ya bobele.

¹⁸ Yango mena, kuyanaka bee na bee na mateya mamana.

5

Tokyengyeye

¹ Bande, pho ya lowo lokyeyi imbele na bileko, tewali ntina obokye toekomele mokanda pho ya lango.

² Pho bee mampenza koebe na bolaa obokye mokolo nwa Nkolo nwamoya ndokolo waaye mwibi na mokolo.

³ Imbele sa mowo bato obokye: «Eye bose, eye bokyengyi», emba nde o sina imbele sasina ephambo ya bayelela mbala yonoyo ndokolo bolosi pha eswete ekyeokye nwanwasi owa ekama bo kalukye ibota, emba moto nono monomo etakokye ilota.

4 Kasi b̄̀e, bande, b̄̀e toli o enzombi, pho ya obokye mokolo me moebalikyinya ndokolo mwibi.

5 B̄̀e baso oli bana ba moo, bana ba nzanga: Teloli bana ba mokolo, na ba enzombi.

6 Yango mena, banga salala ebu ya bato baayoko, kasi tokyengyekye emba tombe na mifanza.

7 Baalale ebu, balale na mokolo, emba balangye maleku, balangye na mokolo.

8 Kasi banga baali bato ba nzanga, tofanza nzoto ya banga na bolaa, tolate ianola na lozingo ndokolo etobu ya ebasi, tolate o moto eboko ya molemo nwa lobiko.

9 Pho Nwaphongo taika loolo pho ya kabu ye, kasi aloolo pho ya obokye alobikya na nzela ya Nkolo wa banga Yesu Klisto.

10 Awa pho ya banga pho ya obokye na bo tokyekye na bo tolasi ebuu tofee na bomoo isanga ne.

11 Yango mena, kuyinya b̄̀e na b̄̀e emba ombe na sungana b̄̀e na b̄̀e, nde bokokyele b̄̀e phanza.

Maloba ma isokya

12 Bande, toongye na b̄̀e obokye okumole baamiphe mpasi ya ikyela etoma onte ya b̄̀e, baateya Nkolo pho ya iyebanza na iyeteya nzela

13 Ba na b̄̀e na ikumo siikye, na lozingo pho ya etoma ya be. Ba na b̄̀e onte ya b̄̀e.

14 Bande, toongye na b̄̀e obokye oteya bato ba bokoo, okuya bato bali na ibale, sunga bato bate bali na bokusi, kanga motema na bato baso.

15 Kyeba obokye moto sabuya bofe pho ya bofe, kasi nkolo iso, luka ikyela bolaa b̄e na b̄e na ná bato baso.

16 Ndekobe na nkyisa nkolo iso,

17 b̄ndelekye sa ema,

18 phekye Nwaphongo melesi mi maphoo maso, pho Nwaphongo kazingye obokye okyelakeye babona, b̄e baangana na Yesu Klisto.

19 Sakubya etoma ya Bolobo Bosantu,

20 sasemola maloba ma baimosi.

21 Kyitolela maphoo maso na bolaa: Ombe banza loolaa,

22 omizile na maphoo maso maabe.

23 Le obokye Nwaphongo owa bose, yo mampenza aebuya mobimba basantu. Le obokye abanza molimo nwa b̄e, na mokali nwa b̄e, na nzoto ya b̄e, ibe sa mooya pho ya mokolo nwa moya Nkolo wa banga Yesu Klisto.

24 Okoebangye ali moto okokokya mambunu me: Ekuli ba nde yo owa mokyela.

25 Bande, b̄ndele na pho ya banga me.

26 Beya baanosi baso na ikoo na ikoo.

27 Naeyongye na kombo ya Nkolo obokye: Mokanda mumu motangyeme o boo pha bebi baso.

28 Le obokye ngolu ya Nkolo wa banga Yesu Klisto ebe na b̄e.

Lobala NT

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563